

## **Cerner: “Pre-Conversion Assessment” ta tras di lomba**

Desde augustus nos lo cuminsa traha cu un sistema di informacion di pashent nobo. E simannan cu a pasa nos a caba cu e prome fase di implementacion di Pre-Conversion Assessment. E empresa IT Cerner ta un di e suministradornan mas grandi na mundo riba tereno di dossier medico electronico. Nos expectativa ta tambe cu nos cu Cerner ta introduci un sistema top cu cual nos cualitativamente lo por duna e pashentnan un hopi bon servicio. Den e prome fase nos a haci boso hopi pregunta over di registracion, documentacion, workflow, schedule etc. E informacion aki nos tabatin mester pa laga Cerner funciona mas miho posibel. Awor nos ta bay na e fase 2: Conversion. Den e fase aki tur informacion principal di GCIS y AZV lo wordo integra den e sistema di Cerner. Despues den e fase 3 lo cuminsa cu e trainingnan di CPM (Cerner Practice Management) y EMR (Electronic Medical Record) pa tur uzado. Fase 4 ta e “Go Live” fase. Esaki ta plania pa fin di augustus 2016. Boso lo tende mas lihe posible tocante e trainingnan. Si bo tin pregunta, deseonan of kier duna bo input pa mehora e manera di traha? Por tuma contacto cu mi ([gino.tromp@imsan.aw](mailto:gino.tromp@imsan.aw)) of pasa cerca mi na di tres piso di gebouw C. Cerner projectleider ImSan, Gino Tromp

## **Filomena ta den spotlight!**

E obranan di arte di nos colega Filomena ta precioso. E ultimo 10 añanan e ta haci cada bes mas uzo di naturaleza den su obranan di arte. Un colega a stimule pa inscribi pa un concurso di AHATA. Riba e potret por wak Filomena y su obranan di arte durante e exposicion na biblioteca nacional (mei 2016). Cu orguyo Filomena ta conta cu e ta traha su obranan di arte cu palo, sas di palo, lijm y verf. Asina e ta crea su obranan di arte di e flora y fauna di Aruba mes. Manera dividivi, kwihi, fofoti, pisca, shoco y ainda mas cos. De futuro Filomena lo kier traha cuadranan, cadenanan y renchinan orea driedimensional cu materialnan di naturaleza. E tin hopi idea y hopi pedido. Pero ta dura mas o menos tres dia pa traha un obra di arte, pesey no ta tur ora e por acepta tur e pedidonan. Durante e combersacion cu Filomena a keda demostra cu Filomena tin hopi conocimiento y respet pa e naturaleza di Aruba. Dia 27 di mei a keda anuncia cu Filomena a keda na di dos luga di e concurso. Pabien Filomena y exito cu bo talento!



## **Moviendo pa dilanti**



Nos asegurado di cuidu, UO-AZV, ta bira cada bes mas critico pa loke ta e gastonan di e sector medico. Nan kier tin cada bes mas di bisa over di e contenido y calidad di cuidu. ImSan kier keda ofrece bon cuidu y pesey nos mester tin acceso na tecnologia “state of the art”. Apesar di e medionan financiero limita di ImSan toch hopi cos lo sosode den e proximo lunanan. Manera menciona aki riba ImSan lo introduci Cerner den augustus. Banda di esey nos ta hopi druk cu e pasamento pa e Enterprise Resource Planning nobo di AFAS. E programa aki, Profit, lo haci un cantidad di trabou un poco mas facil pa nos tur. Den e simanan venidero boso lo haya training pa traha cu nos sistema nobo di intranet Bon Siman. Den Bon Siman lo bo tin diferente opción, manera cambia datonan, wak y print payslip, cumpleaños, ocupacion, pidi vakantie, y mas cos. Esunnan cu no tin computer no mester preocupa nan mes. ImSan lo pone tablets na algun luga pa asina esaki por wordo uza pa tur hende.

## **Masterplan di ImSan**



Den april Baptist Health South Florida tabata di bishita di trabou na ImSan. E bishita di trabou di Baptist tabata den cuadro di e Masterplan di ImSan cu a wordo aproba den februari 2016. E Masterplan ta bay over di expansion di ImSan pa loke trata Radioterapia, departamento di operacion y expansion di oogpoli y SEH. Esaki ta tambe e comienso di hopi bishita di trabou cual ta necesario pa ehecucion di e Masterplan aki. Durante e bishita aki a wordo controla si e situacion actual den ImSan a wordo ehecuta y construi segun dibuho y diseño, esaki ta necesario pa por traha e diseño nobo. E di dos bishita di Baptist tabata den siman di 6 di juni y nan a muestra e dibuhonan y diseñonan y a papia riba esakinan. A duna un presentacion y splicacion na ImSan y na algun representante di e departamentonan corespondiente. Durante e presentacion tabatin e oportunidad pa bin cu ideanan y opinion over di e diseñonan proponi.

# Empleadonan nobo desde 1 di mei 2016

Dr. Tatiana Caicedo Wadnigar  
Waarnemend poortarts SEH  
(1 di mei – 31 juli)

Melanie Trimon  
Afdelingsassistente Dialyse  
afdeling (11 di mei – 31 di juli)

## Bo tabata sa...

- Cu desde 22 di april tin un ATM di CMB den e hal di ImSan?

## Dia di Salud 7 di april



## Volleyballtoernooi 2 di april



## Pasco di Resurreccion 24 di maart



## Dia di enfermero dia 12 di mei



## Dia di familia SEH 14 di mei



## Launch website y Nos Balor 12 di april

## Agenda training

- **5 di juli:** Basic Life Support for the Health Care Provider (9.00 – 15.00u)
- **6 di juli:** Workplace Fire Safety Training (9.00 – 15.00u)
- **7 di juli:** Basic Life Support for the Health Care Provider (9.00 – 15.00u)
- **11 di juli:** Basic Life Support for the Health Care Provider (9.00 – 15.00u)
- **13 di juli:** Heartsaver® First Aid CPR AED (9.00 – 17.00u)



## Health check 17 di mei

## Nos Balor

Nos kier pa 6 biaha pa aña pa medio di Nos Balor pone e empleadonan di ImSan na altura di tur cos cu ta tumando luga den ImSan. Lo duna splicacion di e temanan, tambe nos lo tene bosonan na altura di por ehempel e empleadonan nobo y regularmente nos lo pone e empleadonan y e departamentonan den spotlight.

Si bosonan tin pregunta, tin algo pa remarca of ideanan pa e boletin aki, nos tende nan cu mucho gusto: [hilde.timmerman@imsan.aw](mailto:hilde.timmerman@imsan.aw), tel: 882